

大庾縣志卷之二十三

藝文

詩

國朝

先登嶺

戴第元

崇邑之山巨靈鑿環城四面爲扃鑰立者如熊蹲如兕斷  
而復連簇林薄南行數里過三營有嶺差將齊碧落磴道  
盤空若轉螺不號羊腸號狗脚前明邑宰有施公詢名鄙  
俚堪嗚噓爰易先登之美名賦詩紀實懷褒鄂於戲文成  
功不刊發砦蕪茅事開拓桶岡天險比秦關扼吭攻腹肩

大庾縣志

卷之二十三

藝文

詩

一

背削指揮三軍利無疆絕頂屹立朝天閣我來拾級陟其  
巔烈風怒號捲殘籜坐見千峯如奔濤鐘聲驚起霜林鶚

梅嶺圖

楊宗岱

邑人

橫浦峰迴掠秋鴈一峰一折迷曲棧南檣北馬指烟巒西  
駱東甌縱遊宦梅銷故宅不可尋但數紅梅逢驛館滇昌  
贊府哦松間愛寫山容滴清翰西泠舊夢鶴攜來鱣渚平  
潮春暗換不如且酌斜街流落葉三秋立老幹肯邀梅花  
國裏人一卷南華對雪看

曲水聯珠

楊宗岱

雨止尋山館野禽飛對對三曲疊蒙泉流觴滴花翠

玉池蓮碧

楊宗岱

半畝芙蓉玉雲亭四面開濂溪清賞處無人倚檻來

竹谷風清

楊宗岱

巖岫掃風篁筠粉落寒碧遐心對此君方麴遙相識

正氣流丹

楊宗岱

寶祐悲鼠虎正氣宦情輕同時六君子錚錚正直聲

高岡鶴鳴

楊宗岱

養靜幾何年軒軒雲中客戛然聲相應青山與白石

東山草堂

楊宗岱

一驢兼一笠來徃草堂居手定西行稿無人知尙書

大庾縣志

卷之二十三

藝文

詩

二

夜坐話東山舊事

楊宗岱

章水東浮下郡城空潭有月碧盈盈誰能耐手排千佛便  
許低頭拜二程野鶴自來迎太守山堂久已揖諸生羣公  
退老風流歇莫倚殘燈話此情

東山感舊

楊宗岱

春雲如滴染烟垆鶴吭魚頭拂水醒記得昔年遊賞處眼  
中愁見舊山青

曉風殘月灞陵西悔折垂楊駐馬蹄認取當時遊屐印憑  
欄小立聽黃鸝

也愛幽棲臥石帆□筇依舊笑青衫山花山鳥遙相識爲

聽松聲數倚巖

梨花催雨打窻扉誰解攜壺上翠微憶昔半樓燈火暗空濛山色滴春衣

青氈明月坐徘徊小度書殘柿葉堆向晚樓窻開十面魚龍江上戲珠來

讀書四時短歌

楊宗岱

讀書春花香鳥語助精神游目五車窺造化蟠胸一氣轉鴻鈞溫故而知新  
讀書夏寸陰尺璧眞無價努力青年白晝長仰而思之繼深夜鑿壁光還借

大庾縣志

卷之二十三

藝文

詩

三

讀書秋功夫月盛日新求雁塔欲窮千古目蟾宮引上一層樓明月正當頭

讀書冬取之左右其源逢况擁紅爐看點雪三餘鑄史鍊經鎔造極必登峰

王烈婦詩

楊宗岱

女子不字貞恒德婦人吉處變則有經坤柔乃剛烈之死矢靡他生氣轉勃勃殉身非殉名骨香心皎潔玉屑王郎子傅媛名家姑十七始結褵婉婉勤婦職寡鵠忽不天青春二十一長慟曰天乎夫死兒夭折強稱未亡人苟延死日月一食不同牢九泉待同穴飲淚別姑嫜肝腸已寸裂

妄死有餘辜罪在夫嗣絕無復望三從豈敢存一息魂斷  
語兒溪心化望夫石肢體難毀傷又非愛膚髮仰藥與投  
繯死所未爲得天不祿吾夫何忍獨進食餓火熾薑鹽請  
從此絕粒慊慊兩目瞑凜凜萬古節吁嗟乎孺人鬚眉媿  
巾幗此意一較然天地爲動色輕生薄風雲趣死貪饑渴  
裙釵枵腹魂豈有夷齊激擬代絕命辭大書表墓碣若敖  
不餒而俎豆千秋設我欲易椒漿飫之以冰雪湘江風雨  
多泪染叢篁血

張文獻公遺像吳道子畫

楊宗岱

吳生畫佛畫神仙烟姿霧態人爭傳惜不舐筆同曹霸別

## 大庾縣志

### 卷之二十三

藝文

詩

#### 四

開生面圖凌烟明皇詔生屢入直曲江僕射猶當國一鷗  
兩兔玉華門老臣忠憤見於色卽今古絹無光芒墨氣微  
飄鬚髮蒼公之風度尙如此開元以後難爲唐張公獵虜  
先獵鹿吳生寫公如寫鶴秋風嘹唳嶺頭雲鶴死烏飛啄  
大屋九州鑄鐵肖孤臣寒日荒祠薦野菽鹿兒銜出深宮  
花中原滿地無桑麻隴山不忍聞鸚鵡南內歸來棲暮鴉  
上皇感舊思元老風度思是當年好太平不用金鑑書喪  
亂纔尋指佞草秋風羽扇無人知荆門回首鬢成絲那知  
尙有吳生畫寫出江潭憔悴時眼中石勒心中鐵已抵平  
原罵賊舌碧血未腐畫如生此畫不誤朱繇筆

感舊

楊宗岱

梅花郡長福清游素髮朱顏號鶴洲自溯道源從宛洛來  
敷循績繼程周醉翁琴譜時常操童子吟箋不住收記得  
雪晴評警句當年風景怕回頭

蒙泉

楊宗岱

低頭看止水月落樹中央不辨梅花影微聞水月香

玉梅花下

楊宗岱

涼月淨如洗空階生暮寒蕭森沾竹露濕透碧琅玕

釣魚臺

楊宗岱

綸竿到手好□開風月爲朋有是哉眞水眞山閒釣取幾

大庾縣志

卷之二十三

藝文

詩

五

人眞箇得閒□

長河深柳綠堤開穩坐魚磯賦水哉縮頂鯿魚三兩尾誤  
吞花蕊上鉤來

嚴陵七里畫圖開六月披裘怪矣哉世上釣名誰得雋客  
星曾應此翁來

鯨魚掣手浪花開笠釣而今安在哉竿是珊瑚明月餌青  
茫茫處謫仙來

月正元日

皇帝御極恭紀四韻

楊宗岱

龍集當陽六字新

聖人大寶

勅臣鄰

皇王繼序家天下

父母

蒼穹子庶民嘉會紀元三統慶

重華協

帝萬年春一堂五世無疆

壽南極輝煌拱

北辰

千叟宴紀十首

楊宗岱

大庾縣志

卷之二十三

藝文

詩

六

履端開壽宇萬象轉洪鈞鵠立排千叟

龍飛慶

一人紀年剛大衍輯瑞報宜春萸葉將新綠延齡識古椿

眉壽侍春臺蒼顏矍鑠哉臣躬方蹇蹇

帝德更巍巍碧漢瞻天近紅雲捧日來

堯樽濡湛露咸進紫霞杯

憲老東西序引年上下庠至誠周禮樂

端拱舜衣裳雨露方今溥鬚眉繞殿蒼遠勝漢几杖靈壽

賜臣光

紫閣開黃道祥烟啟

御屏穀貽遵

祖制椿壽錫耆齡玉液千尊滿

皇心一德馨太微高拱處羅拜老人星

帝城春樹曉

皇極泰階平海晏河清瑞歌衢擊壤聲

嵩呼聞少室絳祝指長庚就日瞻雲者榮逾洛社英

長庚千叟應太甲五雲高

帝範超堯舜臣謨勵禹皋九疇添福壽三達敘官曹

賜脯

恩榮晏臚歡洽燕毛

大庾縣志

卷之二十三

藝文

詩

七

棟牖松雲麗瞳矐化日舒

聖人高鶴算愜史拜鸞書舊典推三老新禧頌九如玉階

春雨莢一葉露乾初

燕饗頌

恩例唐虞禮樂兼乘乾資久大出震養熙恬璇錄昌而熾

臣工法以廉鵠班趨末席自喜二毛添

佛云無量壽散作地行仙厨筵增奇瑞靈椿尙小年東膠

稽古典南極照芳筵頤隘香山叟數盈不及千

太平真有象人瑞繪爲圖紫氣瞻黃閣朱欄映白鬚泉分

甘谷菊香浥葛陂蒲仁壽分題咏淋漓

御墨濡

正氣樓懷古

楊宗岱

小住箕簞谷山空翠欲浮碧  
窻開面面黃葉落悠悠石冷  
泉千尺風吹月一樓  
羈栖留鐵漢司戶笑崖州

謁四賢祠

楊宗岱

翠屏饒晚對尋樂意偏閒  
草色窻楹外泉聲石齒間  
大儒多北宋明月滿東山  
窳褻羣峯寂飛雲自往還

嶺路

楊宗岱

嶺路何年鑿梅花覆幾重  
千盤壯北固一壑峙居庸  
簌簌亭邊竹悠悠礪裏松  
曲江祠廟古時有白雲封

大庾縣志

卷之二十三

藝文

詩

八

蒙川館懷古

楊宗岱

諫草辭西洛蒙川又著書  
長松堪倚馬短袖慣騎驢  
南渡風烟冷東流淮海虛  
振衣眠醉石不復注蟲魚

書院

楊宗岱

熟知山水趣眞樂屬儒家  
菊院人都滿楓林徑不斜  
呈材多竹箭立說愛蓮花  
秋色猶如此春風詎有涯

金鰲閣晚眺

楊宗岱

亂葉吹樓櫓西風過石梁  
四山圍暮色一水赴斜陽  
雲物東西市河流上下檣  
銷魂秋蝶去涼月欲爲霜

觀瀾亭

楊宗岱



旋螺通一徑峭壁瞰危亭陡絕江心艣飄然石齒汀偶驚  
山鶻起坐看遠峯青日午巖陰合融融花氣暝

送郡伯游公心水致仕

楊宗岱

亭亭山上松湛湛長江水蔦蘿蟠松根蒹葭附清沚冰潔  
松蒼蒼庶幾吾師擬師昔隸西曹雲樓聯芳綺唯

帝眷良弼分符來章水章南俗多澆條約頽風徙嘉績日  
紛紛龔黃難擅美饑無庚癸呼水汛中流砥利涉駕長虹  
雙城固百雉熙熙化已洽斯文並振起吟風溯周程尋樂  
窮至理披棘闢東山上舍構迤邐講幄春風生先賢祀簠  
簋玉尺惟親裁冰鏡拔寒士菁菁桃李蹊不出公門恥魯

大庾縣志

卷之二十三

藝文

詩

九

也樗櫟材龍門叨御李雨露沐栽培高山時仰止山高不  
可攀水深不可揣仰視古松間一鶴凌烟翅飛翔傍主人  
攜琴歸綺里閩海日悠悠何時隨杖履躑躅尋松徑苔痕  
疎屐齒

戴炳元 邑人

讀書何所期將以邀青紫斯言古有之毋乃鄙太上  
貴道德其次經濟美二者體用兼文章餘事爾衡茅負虛  
願輒自異俛偉一行而作吏此事遂廢矣其或戀輪困日  
計長安米林下何曾見往往多如此閩福有哲人卓哉游  
夫子凜凜玉壺冰自信心如水四邑布陽春龔黃差可擬

樂寄東山巔講堂書院起簾捲鶴鳴高萬綠森森裏抽錦  
復裁綃尺寸與多士吟風弄月時箇中有妙理政成十八  
年人皆頌樂只胡爲賦遂初駕言歸桑梓泛泛一虛舟宛  
在河之涘驪唱聲切切管絃時入耳况乃附素絲典型親  
仰企兩岸草青青白雲望未已對景倍惘然長歌以自矢

林杏邑人

行藏重氣誼出處道從隆嶺北鸞行至虔南鵬步雄福星  
耀玉枕明月照雙童綠蔭和風布魚城春氣融梅青陰遍  
地蓮碧香浮空逸傳太傅屐興著微之筒臭味千秋合絃  
歌廿載中甘棠隨日永俎豆與山崇竹帛馳聲遠典型可  
再逢

大庾縣志

卷之二十三

藝文

詩

十

楊塤邑人

披雲欲見如見龍懸鐸欲叩如叩鐘開門直揖天下士夫  
子真如北海融當年五馬辭

帝京清霜久濯南安城政簡彈琴開蓮幕玉尺高懸冰鏡  
清君不見桃蹊李徑鬱葱葱綠萼丹跗照行驄臨風此際  
默含情春雨年年憶化工

何超鰲邑人

擁傳東門集歌聲到處聞波平連浦樹日暮隔江雲徑草  
重舒秀巖松盡有紋香天應入座有客細論文

李啟儒 邑人

南州風氣使君開  
山色江聲亦壯哉  
多士陶成占虎變  
三農社醉逐螢回  
自圖綠野時拈韻  
那愛丹毫日押該  
解脫花驄策蹇去  
清香攜得嶺頭梅

李越 邑人

由來漢代多循良  
惟有清廉難比芳  
誰似使君十九載  
仍攜琴鶴作歸裝

朱學醅 邑人

粉署屏星一樣明  
久瞻山嶽慰蒼生  
懸魚已勵孤芳遠  
渡虎爭傳雅化成  
庭靜吏閒餘鶴徑  
堂深花發滿春城  
年年

大庾縣志

卷之二十三

藝文

詩

十一

父老瞻依慣惆悵  
如今攬轡行

羅沛霖 邑人

雲樓染翰客分竹  
牧章南澍雨隨車  
足清風遍郡酣鶴  
傳橫浦驛石擲鬱  
林潭爲愛東坡笠  
華冠已不簪

黃家李 邑人

式化南邦十九年  
心同秋水映長天  
恩波早渥菁莪露  
瑞氣頻攢麥秀烟  
方意魚城畱藻鑑  
豈知虎座動鱸蓴  
從今高酌白雲去  
依舊金鰲萬古傳

譚上道 邑人

化成廿載邁文翁  
絃管村村夜月中  
最是臣心清似水  
捲

簾終日對雙虹

甘霖  
邑人

名儒出守自循良德政遙追東海芳

明守張東海有政績至今祀之

前有

召兮後有杜他年俎豆應同香

翠擁東山化雨施春風叨坐已多時鶴鳴堂外一江水流

出道源與教思

冰心甘載鎮章南撫字焦勞白髮鬢老去陶潛無所有清

風收拾滿琴擔

梅國梅花花似仙梅花國長洵如天關山千里人何處回

首梅花思杳然

大庾縣志

卷之二十三

藝文

詩

十二

魏光訓  
邑人

考亭書院接濂溪建置南安識道源幸得光風勤造士何  
如立雪履程門玉池雨後蓮香畔庾嶺春深花滿園講學  
傳經功不倦興歌綠竹不能諼

蕭應昌  
邑人

熙世卿雲爛八區地靈毓秀產醕儒步雲秘省德聲遠立  
雪程門意氣殊家世福清畱峻節風裁方正凜規模千尋  
樹望人同表早歲蜚騰價比瑜氣節文章推賈董風流儒  
雅重韓蘇棘闈先擢推高足彙榜旋標豔上都業倚蘇公  
聽棘木旋分侯霸捧銅符寬仁長者羣情愛明斷神君衆

志輸四邑春花如爛錦一輪秋月映水壺歷年膏雨隨車  
轍徧野沾恩罷癸呼更有虛懷勤吐握每令下士感沾濡  
師恩不異親恩厚成我本同生我俱闢建高樓陳俎豆宏  
開精舍鋪穉瑜治聲於昔邁東海教澤而今見陸湖醞釀  
乾坤滋化雨甄陶民物仰洪鑪千秋砥柱關黃髮廿載經  
綸盡白鬚方擬循良褒北闕詎期功就謝西樞歸來荒徑  
因尋柳望去秋風豈憶鱸臥轍難畱馳五馬擁車易致飛  
羣烏坐看士女陳筐篚遙聽笙歌載道塗今日傾城相別  
意他時名手應難圖九重端拱勤西顧三老蒲輪看再驅

魏光詔  
邑人

大庾縣志

卷之二十三

藝文

詩

十三

高矣游夫子浮名若等閒心無五馬貴政悉四民艱講學  
考亭比襟懷茂叔班魚城沾化雨梅國潤春山石竺攜琴  
住蟠桃放鶴還此中真樂趣世俗難追攀

尹榮世  
邑人

繞郭棠梨湧翠來知公雨露費栽培何當一夜春工去烟  
樹蒼蒼鎖綠苔

龍門宴  
邑人

梅國台星照醕儒教化傳詩書誘後學風節邁先賢祖道  
千行酒歸囊一素絃東山常在眼瞻望肅雲天

張四聰  
邑人

舊是絃歌地逢君調轉高陽春知有和虛白白無勞弄月  
吟焦尾鏤雲染鳳毛蘇門長嘯起清韻沸江濤

楊生衛 邑人

東山遠眺勝瑤島雙城樓閣春光好翠屏拱揖若環滁小  
亭兀坐醉翁老藍輿出入破蒼苔鶴髮蕭蕭傍水隈手裁  
雲錦被多士清磬一聲烟霧開振衣磅礴頻搔首問奇談  
經人載酒啣盃爲道歸碧山灌罷園蔬窺二酉公來山麓  
更峻嶒公去蒙泉冽且泠長將江水照顏色遙對閩山萬  
仞青

呂仙裔 邑人

# 大庾縣志

## 卷之二十三

藝文

詩

### 十四

斗極聯星照郡樓英賢頻牧古虔州濂溪有月澄江上東  
海遺風拂嶺頭廣厦神依歌父母春臺躬被頌君侯緣何  
又起滄洲興祇賸攀轅片刻留

#### 綠陰亭

郡守 郭存莊 汶上人

環墻矮屋兩三家屹立亭臺燦若霞設色胭脂何用買原  
無富貴到荒衙 牡丹號  
富貴花

王文成公奏疏草稿眞跡翁鳳西同年 元圻 屬題

吳錫麒 錢塘人

按疏稿作於平思田土夷時嘉靖六年思田二府  
土酋盧蘇王受反詔起公總督兩廣兼巡撫及赴

南甯蘇受遣使乞降受之時侍郎方獻夫建言宜於田州設都御史一人撫綏諸郡公因上此疏具言蠻夷不可治以禮法因舉右布政林富量改憲職撫循蓋在七年二月旋用林富率蘇受兵破斷藤峽猺賊闢地數百里厥功甚鉅時公已病甚是年道卒南安此爲最晚年筆也

三十九行字壓紙六百餘言言洞髓思田初靖計安復仁心扶出良知理賣刀買牛疏所云萬七千人俱赤子蠻夷未可禮法繩何必特設都御史付之林富治有餘從此南人不反矣斷藤峽口唱賊來王受盧蘇皆効死公之誠信

## 大庾縣志

### 卷之二十三

藝文

詩

### 十五

感草木公之文章貫經史南安一夕大星隕離此疏纔數月耳飛鳶跼跼伏波嘆公亦行師適於此

此疏公在梧州時上所梧州容

江卽馬援所云仰視飛鳶跼跼墮水中處

薏苡明珠徒有謗蚍蜉撼樹何須訾

千秋論定信完人彼哉桂萼徒爲爾讀罷憑欄望斗杓一碑遠更廬山峙

同戴可亭

均元

徐鐵厓

立綱

於健園

鼎

游法源寺歸

飲鐵厓寓齋同賦二首

吳錫麒

春風吹老幾杪權古事茫茫歷劫過碧血長成芳草易青苔畫出落花多鐘流佛閣聲鏗戛旛護禪房影颯磨爲覓經幢重剔蘚牆根半响夕陽趁

蹇驢欸欸共歸途良夕重開主客圖照我燈花宜酒食從  
君烟水話菰蘆吳雲越樹俱千里荻筍櫻桃又一廚容易  
東風增愴惻故人回首隔黃墟

謂家菴浦翰撰  
沈硯香編修

恭和

御製原韻二首

戴均元

垂暮何修膺異數黃扉解組拜

恩綸雲呈

奎藻輝南浦星燦珠垣拱

北辰報稱惟餘葵藿志退閒敢乞薜蘿身

鴻慈豢養眞逾格

大庾縣志

卷之二十三

藝文

詩

十六

優賚多慚擬昔臣

頻歲乞休曾顛懇

慰留高厚荷絲綸草江水遠勞

宸念津路秋涼及令辰暮景逡巡辭

闕戀餘齡珍重被

恩身歸同野老康衢祝

慶節重來白髮臣

校書

文淵閣

賜葛紗恭紀

編修

李如筠

邑人



中秘讐書翰墨官宮紗拜

賜五雲端

天題濕處含風軟殿角涼初掃葉殘學本麤疏三葛笑文  
論聲價一縑難憐渠牖下龐眉客被褐年年舊卷攤  
萬軸琅函天上啟一封絳雪日邊緘學慚襞積成章少恩  
向絲綸半襲銜自有清風消暑雨不應塵骨判仙凡去年  
今日胥江路桐帽椶鞋白苧衫

張文獻公祠四十韻

李如筠

正氣開元相名賢海嶠升闢門招骨鯁端笏對觚棱未塞  
頑讒口難安左右丞訛言成貝錦腹疾隱痕癥薑尾懸鍼

大庾縣志

卷之二十三

藝文

詩

十七

銳龍漈繞殿凝巫風應未悔甌水劇難澄慷慨心誰剖淒  
涼睫屢承夔龍天未許房杜遇無憑竽濫空懷瑟醫良數  
折肱危言先觸忌大道坐無朋竟伺舍沙蠱誰祛玷璧蠅  
江湖愁遠引槐棘許重登決去非長往憂讒且自矜堂空  
憐玉燕海運失溟鵬一士君門隔同官黨禍興有臣皆立  
伏厥后媿從繩諫草枯蟬蝕軍烽戰甲騰魚門慙豈忍蜂  
螫毖還懲文馬登牀舞青驪度棧乘失時悲虎鼠逐惡少  
鷗鷹國戚先懸首公徒且執冰鶡啼悲蜀樹鴛血濺吳綾  
刺骨知何補批鱗記昔曾朱雲生已幸石勒死良應亦解  
憐風度其如誤愛憎報章傳白羽作史秘金滕孝感駢枝

秀神功擘岳能開山千樹兌伐石五丁勝蹟灑孤忠淚猶  
填志士膺殊恩身後被美諡墓前稱羽葆千峰護笙鏞萬  
壑磨簷高飛鳥顫谷細亂泉砒雨綠豐碑蘚梅紅古殿燈  
大荒朱鳥次箕尾碧霄層橫浦蠻烟厚湟溪毒霧蒸千秋  
虔禱祀五嶺不騫崩水鳥靈宮栢寒猿石逕藤江山何秀  
發祠宇自峻嶒神馬嚴簫鼓河魚備豆登斯人重星岳文  
獻百王徵

水輪行

李如筠

竹石澗水成奔湍孤輪旋轉臨層灘田高水下飛不到漢  
陰丈人力應殫機心機事出奇巧戲役河伯如轉丸前推

大庾縣志

卷之二十三

藝文

詩

十八

後挽得水力旋風攪雪生迴瀾谷簾委宛蛇赴壑雨花錯  
落珠跳盤勞薪活水兩詰屈飛流濺沫徒辛酸章源水淺  
纔馬腹盈此歉彼愁枯乾我舟十夫舉竹纜沙頭蹋蹠仍  
蹒跚利農終勝利商賈我亦何事臨流歎憑空結撰不易  
易南山竹木空千竿北山會使河曲笑下農力薄致此難  
我願三時雨不匱水輪廢置如井榦滿坑滿谷水維足傍  
人雀躍山農歡

雜詩

李如筠

終南仕宦徑捷足卽要津乃知未嘗隱隱者但其身幽人  
何所夢擾擾騶車塵異哉烟霞子一躍登蒲輪回頭別猿

鶴山中無此人遐哉漢北郭逖矣由東鄰

大夫走吳門吹簫以乞食漂母遇王孫一飯千金直菽粟  
本微物求之不可得恩怨豈在多簞食見於色古人歷酸  
辛今人爲太息英雄一餓夫當時不相識

雉明或爲贄鷄雄乃見犧美人多寂寞塵土堆蛾眉草木  
亦如此野蔓何離披樗櫟不材老藤葛紛葳蕤杞梓役萬  
牛甯免斤斧施造物每忌物物尤難自持至人不可及守  
黑還守雌

蜂蜜不自飽蠶繭不自衣竭力娛他人辛苦將何爲爲文  
葬以塚自喜還自悲一語瀝心血可憐雙鬢絲後世有子

大庾縣志

卷之二十三

藝文

詩

十九

雲子雲安得知

南國有佳人冶容事君子燕趙多奇士殺身報知己頭顱  
在何益哀莫哀心死報仇一身輕殺人長劒喜然諾重千  
金背之乃深恥碌碌混屠沽見義勇如此侯生守夷門荆  
卿辭易水豎子急睚眦得士徒爲耳

驅車過北邙纍纍不忍覩黃塵擁白骸中有一千古鬼窟  
白楊根哀鳴多風雨零落卽山邱華屋果何補言之傷我  
心有酒不能茹悠悠天地寬情深何自苦

我欲求神仙蓬萊不可渡弱水隔流沙云是溺人處鐵船  
今已沈徐市無歸路被髮入深山妻孥淚如注握手一躊

踏朱顏已遲暮一曲秋風辭漢皇應稍悟茂林木已拱不見蟠桃樹勉哉樂及時無爲悲薤露

眞仙不可得上壽良可期蜀人李八百遠與彭祖齊銅仙五百歲於訓老不衰古人書所見豈必皆傳疑吾慕數子壽於世無所希宇宙多名山羅列如星碁百年太鼎鼎一到百不窺而况九州外乃在天四垂安得盡遊歷了見天地奇願言竟此志亟用求刀圭

大樹有交柯異根同一身一朝風雨來弱者挫爲薪朋友比骨肉異姓逾所親中年爲富貴反目越與秦男兒乖意氣錢刀安足珍彈冠義已絕此意竟誰陳

大庾縣志

卷之二十三

藝文

詩

二十

客從遠方來遺我太古琴對月一再弄見我故人心心心繞十指豈直絲桐音古懽不可失余情良獨深抱琴問明月此意堪古今

蓮藕絲何長蓮子心何苦蓮華更可憐夜夜愁風雨風雨來無時芳華不自主採蓮作此歌此情聊自剖美人泣秋光朱顏易塵土安得月不弦夜夜如三五

東山

李如筠

講舍東山好樓臺半寂寥夕陽山下市秋水渡邊橋屋後聞清磬門前有暮樵抱經曾到此歲月已迢迢

哭戴石士先生

李如筠

白玉樓成速文星殞漢濱從容說仙佛病瘁答君親珊網  
逾年設鯨波夙世因我歌仍似哭風動楚江蘋

西華山

李如筠

塵外青山少俗氛道場花雨自紛紛兩三寒鳥啄枯木八  
十老僧鋤白雲肥筍每隨齋飯熟名香更雜野柴焚欲知  
病衲安禪意不打齋鐘怕客聞

贈西華寺僧

李如筠

蕭寺非人境枯禪心著灰孤燈對影坐一雨送秋來此境  
未能悟前因大可哀祇應供井磴持偈伴黃梅

靈巖寺二首

李如筠

大庾縣志

卷之二十三

藝文

詩

二十一

雙髻瘦削玉綠雲天際深老樹與空山相對忘古今其上  
虬松蓋其下修竹林紫筍迸石罅茯苓黏松陰山鳥隨意  
轉一一答梵音咄哉雋俗士杖藜何處吟

夢山二十年一見了可識緬彼先覺人兀坐久不食嗒焉  
喪形骸於世果無得書空字拏雲想見龍象力山空饑虎  
號佛燈昏不滅

惜母峽聞船歌

李如筠

清越船謳峽路寬桓伊不住奈何歎風飄村笛渡傍渡聲  
過夕陽灘外灘入拍長謠雙楫應破空尖響四山寒分明  
欸乃滄浪曲欲覓知音漫叟難

度大庾嶺

李如筠

吾家此山下落拓走東西石磴雲根合茅菴樹杪齊人隨  
孤鴈遠天到百蠻低踏遍南枝雪寒香泥馬蹄

自峯山至樟兜山行成句

李如筠

遠山蒼蒼西日沒嘔啞竹輿黃昏發小水溪頭泛鵝鴨排  
巖古樹棲驚鶻飛猱墮地拾松跗木客還山弄明月頗聞  
鄉邑虎縱橫樵蘇一徑收殘骨我攜童僕入山深山樹多  
風豎毛髮桶岡寨上舊鷗張橫水關西曾豕突萬竈柳榆  
今火食文成功大不矜伐亂山合沓鎖蠻江吾州門戶東  
西粵山林蒙密須兌拔蔓草莫滋狐兔窟瞽言自信不經

大庾縣志

卷之二十三

藝文

詩

二十二

濟試採道謀非俎越

素心蘭二首

李如筠

幽蘭與我素心俱九畹香中骨相殊秋士夢痕涼月洗美  
人瘦影淡烟扶性情自覺繁華隔晨夕何愁臭味孤廿五  
離騷拚痛飲花邊酒暈一絲無

綠霧惺忪玉箭森秋懷那受一塵侵生成仙骨原如水耐  
得空山只此心幽獨可憐人自媚清微未許蝶相尋平生  
學畫三湘草今日冰綃淡不禁

憶梅絕句

李如筠

敝帷不卷雪漫空五九寒消半盞紅驛使未來春未去南

枝消息問東風

便策蹇驢無覓處花辰排悶只深盃單衫杏子鴉雛鬢曲  
裏無端落又開

歲寒好友悵離羣雪北香南恨十分一覺春風春雨後又  
愁吹夢到梨雲

數朶栽瓶已解顏眼中如見舊青山遙憐稚子應門處掃  
雪留花得客還

古栢

李如筠

蒼峯古栢兩崔巍老閱滄桑歷劫灰不改堅貞學桃李幾  
經盤錯鬪風雷苦心難免羣兒撼僻地誰呼大匠來試共

大庾縣志

卷之二十三

藝文

詩

二十三

空山談甲子畢生甯羨萬牛回

冬筍

李如筠

鸞刀犀筍我獨廉鱗鼠飲河欲易厭羶腴滌盡甘齏鹽嗜  
好二者良難兼玉芽出土風露尖繞泉迸石光纖纖竹簞  
香甘沁唇齒方歎何曾肉食鄙玉版參禪悟精理安得山  
厨常辦此肌骨久如竹清美蓴羹尙得秋風起庾郎二十  
七鮭耳何不歸買石溪水

曉雪二首

李如筠

水外無非雪村中但有烟堆篷剛半尺魚子壓衾眠  
忍寒沽酒去逕入野人家遙指柴門樹非梅都著花

蟲言五章

李如筠

促織促織不休而績日車不翻壯士無力

蛙聒聒六更始譁淺草深窪我適我事官耶私耶

蟬噉噉抱葉而翳吸露而蛻黃雀至螳螂斃

蠅營營君有羹侯有鯖我欲易盈不飽則鳴五鼎食五鼎

烹

蟻勞勞一垤下一垤高南柯移巢北柯遙彼夢且嚙吾敢

囁

邱氏三古樹歌

李如筠

東崖老石堅且腴誰其久者三丈夫雲生石上雷雨至風

大庾縣志

卷之二十三

藝文

詩

二十四

撼樹末龍蛇趨六百年來戰冰雪螻蟻入骨霜皮粗銅馱

金狄幾興廢火光觸石才須臾三木青蒼老元氣正直豈

假神明扶萬牛不幸早回首安得閱世如朝晡乃知蒙叟

論山木不材得壽徒區區吾邦名守梁棟質召棠幾處聞

歌呼豈知慶門有嘉樹歲寒之盟久不渝冬心盤鬱後彫

器人間擾擾紛柳蒲三重茅厚廣自庇五石瓠大煩誰輸

成都有桑八百株江陵之橘千木奴何如世家老喬木閱

十甲子青不枯願言封殖勿翦拜永與石丈留庭隅

仲兄

如喬

九谿署中作

李如筠

舊時鬚鬢可憐生夜雨移床對短檠伯也執殳飛食肉小



人有母快嘗羹衰門薄宦兼文武遠道長貧戀弟兄回首  
洞庭波水濶一峯迴鴈最分明

哭亡兒蘭蓀

李如筠

只恐慈親痛較深白頭辜負抱孫心天涯已憾愁中別兒  
女何堪夢裏尋櫬櫝斜陽衰草路杏錫春雨落花陰千秋  
亭子銷魂甚贏得潘郎髣髴雪侵

畫閣

李如筠

一水活一石一花幽一山石氣通花氣山水何其閒

峽山寺

李如筠

絕壁臨江占幽絕飛樓跨閣皆空嵌帶玉堂中一展眺有

大庾縣志

卷之二十三

藝文

詩

二十五

如玉鏡初開函空江濛濛烟雨溼釣船遠岸支烟帆漁歌  
歎乃谷響應雲山何必無韶咸峽石束天江一髮側身四  
望何巉巖老僧攜我踏烟霧但覺暝色沈松杉苦無鐵鎖  
垂石磴蒼苔滿徑滑不芟俯視飛鳥足下度仰見落日枝  
頭銜深林蒙密木客嘯栗橡墜地猿猱饑夜向山人話孫  
恪世間何事區仙凡

朝漢臺

李如筠

湟溪橫浦舊秦關萬里珠厓水一灣環海百州歸大長摩  
天五嶺界諸蠻抱孫不覺英雄老逐鹿深知王業艱自帝  
幾人能白首漢皇寬大割河山

南康舟中遇楊曉帆四首

李如筠

君自三湘北渚來我騎代馬蘇門回甯知一棹蓉江水細  
雨篷窗共酒杯  
稻舍魚莊約比鄰僧寮舊話亦酸辛前盟共蒞鷗邊水此  
夢空懸馬足塵

縱使青山能入手未應白髮不欺人而今已覺折腰苦願  
乞官中未老身  
三葛吳麻莫笑渠自愁吾薄汝麤疏青燈十載江湖夢一  
見猶勝百寄書

按長洲王惕甫先生論試帖謂必他詩悉工而後

大庾縣志

卷之二十三

藝文

詩

二十六

試帖可工必有韓杜百韻之風力而後有沈宋八  
韻之精能其序先生蛾術齋試帖則云同課諸君  
或驚於古或趨於時惟先生參會其中矣以古人  
之雄直運今人之婉約潭潭深思漱滌牢籠豁然  
著紙奔聿有聲擢肝搯腎轉成渾融至於其鄉岩  
厓刻露洞壑嵒岈迴谿枉渚流沫成輪響若操琴  
淳若懸鏡森疎秀潔之狀於先生詩觀之矣嘗服  
膺斯語訪求遺藁杳不可得輒爲太息日者先生  
族人倚衡國學偶於其家敝篋中檢得手蹟一帙  
埋緼歲久其不致衰朽蟬斷蕞殘玉屑者非文字

有靈不及此亟受而讀之皆爲此邦名山勝景物  
產而作間有一二感懷遊歷之詠亦盡登之往則  
前軌徵信將來讀者幸勿刻舟求劍焉可也

府志  
跋

題香蘇草堂圖卷後

戴衢亨 邑人

獻賦歸來更讀書香蘇嶺畔憶吾廬橫經好足三餘用負  
郭曾無一歲儲令節板輿頻奉母前身飯顆欲愁予文章  
經國他年事記取空山舊耒鋤

薜蘿深處草堂偏圖畫何曾匹輞川佳日春秋書萬卷名  
山風雨筆千年詩人應補循陔句生計終輸下潁田我愧  
耕夫能識字結茅擬就白雲邊

大庾縣志

卷之二十三

藝文

詩

二十七

次韻酬載蓮士先生自書香蘇草堂圖卷後

吳嵩梁

薊門經歲隔音書寂寞青衫守敝廬帶草春深堦砌長桃  
花名米日計斗升儲重來問字頻攜酒過許論詩或起予却  
笑身閒心轉苦一溪寒雨立春鋤

敢道柴桑托地偏登樓賦又擬秦川風塵滿眼多歧路雲  
海回頭負早年從此讀書知有味欲求歸養已無田閉門  
何日容高臥春在蘇山柘水邊

題戴篋圃先生進履圖遺照呈蓮士師

吳嵩梁

子房王者師初亦俠少年椎誤博浪中書乞黃石傳銳氣  
一以挫進履圯橋邊□傑能自屈遂執經世權公昔作都  
講文采朝日鮮才高氣逾下積蘊久始宣出爲名公卿宦  
成早歸田畫圖念疇襄自視殊歉然乃知卓識人不居萬  
物先致身已風雲跬步猶冰淵所遭異今昔用心皆大賢  
學道有真獲何必求神仙吾師秉庭訓虛己追前修下懷  
結韉謙上竭補袞謀齋名震無咎朝夕省愆尤豈以一日  
安暫釋終身憂此圖遺像存授簡涕先流自言君父恩  
平生百未酬嗟我駑鈍資從公兩世遊嚮道悔不早罪責  
逾山邱軼軻二十年失足如墜溝始信客氣多自戕勝戈

大庾縣志

卷之二十三

藝文

詩

二十八

矛詩成創痛深法戒願終求孺子幸可教所志非封侯

題蓮士先生南安詩草後

吳嵩梁

朔風吹袖淚成斑歸櫂蒼茫夕照間石轉晴雷喧潁水花  
飛古雪下梅關鄉園夢好應頻續聖主恩深許暫還樞  
省綸扉咨啟沃編詩未合號藏山

大庾感舊詩二首

吳嵩梁

國家恩重故山輕白髮原期輔太平一德忠勤酬聖  
主千篇磊落愛狂生性磨憂患窮仍在名愧文章老未成  
已分死灰吹不起西州淚又萬行傾

戴文端公嘗致楊北  
谿中丞書謂余至性

英氣不可磨滅又取東坡稱山谷文章絕  
妙當世孝友追配古人二語書楹帖見贈

少年奇氣太縱橫才福常憂不易并三楚看山持蕩節千  
花簇氣入蓉城吾儕自悔遲聞道造物何嘗肯忌名掛劍  
此來尋舊約遺書手校似前生李介夫編修君長余一歲  
以弟畜余每謂名者造物  
所忌癸丑送余出都有詩云聰明化樸拙庶幾才福并今  
余尙在人間而君以甲寅典試湖南未久下世其詩舊爲  
勘定聞趙笛樓方伯  
已代刊惜未見也

庾嶺梅花大開文獻公祠紅梅尤盛手折一枝而去

吳嵩梁

庭梅佳句少人知感遇沈吟又一時千樹寒香花夾路忍  
寒重拜曲江祠

幽姿多恐世緣慳小著臙脂態亦閒惆悵天風吹太急又

大庾縣志

卷之二十三

藝文

詩

二十九

飄紅雪下仙山

寒花爛熳雪成堆此日谿園也自開折取一枝上歸權嶺  
南春色度江來

過梅嶺謁張文獻公祠

吳嵩梁

梅銷戰蹟已寒灰翠壁千尋鑿險開蛛網不蒙金鑑錄馬  
嵬爭見玉環來少牢遣祭恩從重秋燕緘詩事可哀薦士  
誰知心更苦荔支晚出是奇才

詩家砥柱北雄關高格能追正始還太白子昂同調少開  
元天寶抗懷間古風可作今誰繼生面能開卽此山嶺海  
故人相望久應將妙句浣離顏

戴可亭相國 予告南歸命題庾嶺歸雲圖

吳嵩梁

嶺雲鍾間氣應運出爲霖輔政樞廷久衡文鎖院深經綸  
全在手舒卷自無心歲歲梅花發還應憶上林

往者金隄潰頻煩玉節過星辰依 紫極風雨護黃河漳  
衛民居奠京畿水利多嘉謀抒未盡經國鬢先皤

三朝膺 特達四海際 重熙道大能兼善功成不自知  
懸車身及健戀闕夢歸遲家食猶天祿湖山得意時

兩世傳經地於余先受業於文端公綸扉卽講堂孫枝愧桃李晚節慕  
柴桑洛社耆英會平泉草木香花陰容縛帚猶記舊門墻

# 大庾縣志

## 卷之二十三

藝文

詩

三十

秋杪自東山麓沿江而上

進士 弓翊青 鄭州人

晚節偏驚旅客魂山川閱世老乾坤寒潭晝靜魚龍睡怪  
石遮羅虎豹屯雨後收雲歸古寺風前落木見荒村終朝  
跋涉愁泥滑且喜冬苗翠有痕

擬張曲江登郡城南樓原韻

給諫 胡 定 保昌人

載旆蒞南州喜值昇平日錦城繞江開層樓凌霄出徙倚  
畫欄橫縱觀奔浪疾雪色漾林巒波光搖杞橘氣象極萬  
千衷懷凜尺一巖疆待拊循民隱應周悉夙夜慚菲材尸  
素玷榮秩勤勞敢憚煩報稱殊無術盈缶庶有孚承筐警  
無實髮短此心長却老餌參朮

度大庾嶺

胡定

鄉關旋故我風景喜重看梅瘦香偏遠松高陰欲寒棄繻  
前日事舞綵此時歡自愧功名薄霜侵兩鬢斑

庾嶺紅梅

胡定

凍合羣山悴南中綴異芳堅操持雪嶂正色秉炎方日射  
編珠燦雲凝疊綵揚原來春自永朔吹那相妨

庾嶺素梅

胡定

峻嶺標名勝琪葩咲雪攢幽香雲際永瘦影嵎中寒拔俗  
清堪掬凌空秀可餐孤高銀漢接勝似灞橋看

祝戴太夫人壽

胡定

大庾縣志

卷之二十三

藝文

詩

三十一

絳帳長欽淑範端松筠高節雪霜寒燃灰火解傳蓮炬奪  
綿標能報柳丸蓬島自翔千歲鶴瀛洲同進九華丹我來  
攜得湘東管作頌筵前更染翰

憶梅五首

胡定

庾嶺今開傲雪姿主人何事各天涯鬚眉已向塵中老香  
色空從夢裏窺旅邸半窻留皎月蕭居四壁透寒颼浩然  
尙有尋梅興縹渺雲山望轉迷

愁來還憶舊逢迎久伴寒梅暢逸情松徑影搖遊入勝竹  
櫺香襲夢俱清日迴北陸憐駒隙春寄南州滯鴈程欲探  
芳華消息迥空聞笛裏一聲聲

舊遊原足繫人懷，况復芳魂意氣佳。  
物外孤標仙子致，天然風格古人偕。  
寒林潦倒歡何極，宦海浮沉事已乖。  
料得花神方點色，應憐知己隔天涯。

聚散由來總不常，意中佳事却難忘。  
敲棋月映枝枝玉，把酒風吹片片香。  
詩索灞橋歡已斷，詞填樂府興猶狂。  
梅魂可識京華客，顏色時時見短牆。

客舍淒其度九冬，離魂日日到梅峯。  
博山風拂疑香暗，滴水冰疑識藥重。  
不羨含情青柳媚，甯誇敷麗碧桃穠。  
美人舊入師雄夢，相約來年好再逢。

謁張文獻公祠四首

胡定

大庾縣志

卷之二十三

藝文

詩

三十二

開元方致治，入相首南人。  
密勿調元化，山河總是春。  
玉堦齊獻壽，金鑑獨相規。  
當之如厪念，零鈴豈足悲。  
祿山生反相，竟作赤心兒。  
致仕還三徑，知幾冠一時。  
去留關理亂，行止合時宜。  
風度垂青史，追蹤更有誰。

早梅

胡定

朔風方冽，茁瓊姿雪裏鮮妍。  
吐幾枝大庾嶺南居士少小。  
陽春暖，美人癡芳心待露。  
深深息清韻，潛飄故故遲相約。  
月明齊布豔，蹇驢重策快尋詩。

題胡君鵬遠度嶺圖

胡定

長才造物不虛生，抱器難辭向遠行。  
粵海封疆方借箸，慈



湖景物更關情九逵松影徐徐度千樹梅花故故迎莫道  
風塵多况瘁錦囊得句自英英

輓戴孺人

胡定

佩環魚雅玉璫瑤香閣何因隕禮宗烏哺久資承子舍蟲  
飛尤待警侯封到來鳧舄悲連理歸去鸞驂泯化蹤惟有  
音徽猶貫耳夕陽西望悵華峰

按保昌胡靜園先生乾隆間由翰苑擢諫垣時論  
稱其風裁凜烈誠臺閣中之南鷄也所著雙柏廬  
詩藁往來庾嶺頗有題詠並有戴太夫人壽章戴  
孺人輓辭殆文端葭苻之親歟登之以備寓賢

大庾縣志

卷之二十三

藝文

詩

三十三

和吳子苾觀察梅花詩二首

淮平守李堯文

百年玉骨冰霜燦一點芳心天地春桃李萬花成後輩蕙  
蘭九畹認前身伊誰處士真高士難得才人是貴人自有  
廣平工體物茜裙霞珮敢爭新  
歲寒端仗出羣才遲暮空山只自陪香雪千重情海杳羅  
浮一樹夢雲墮地爐幸免茶毘烈隴使難當叱撥來冷豔  
薄粧魂欲斷多君寶瑟爲招回

過梅嶺十首

姜曾

不問梅花誰早白風聲亦覺分南北猛風掀倒北來輿南  
下聽風聞不得

日暖南疆北已冰南遊疊峰阻前程行將避險還經險天  
地原來亦不平  
天作高山障北寒未窮嶺表已雲端驚心緩步都求穩得  
得平夷作此看  
不經奇險不英雄造極登峯眼界空峻嶺頻過猶恐盡痴  
思直上問天公  
誰把江山認畫圖人工摹寫總歸無畢竟山靈真妙手長  
懸一幅不模糊  
尙未登山想出山上山容易下山難人心涉險多如此上  
下從容總一般

大庾縣志

卷之二十三

藝文

詩

三十四

一步登高一轉望回頭顧險怯途長山神却解離鄉苦故  
設高山好望鄉  
望鄉何處白雲間界斷東南獨此山嶺上徘徊難遽下纔  
移半步隔鄉關  
到嶺人人膽欲寒些須失脚墜雲端如何男女偏挑笑慣  
險仍如平等看  
到底輕挑到底輸不知遠慮總爲愚偶然落足墮鳶外將  
伯那從助得予

明嘉靖間鄉先輩涂湘巡察廣東重過梅嶺刻詩猶

存追咏其事二首

姜曾

玉峯重疊護雲依舊國婆娑幾樹梅未老劉郎定重到尙  
留名字壓崔嵬

只因不盡婆娑意下馬題詩不畏寒不見郢中能賦客老  
僊留字在孱顏

次邑先輩涂東潭題過梅嶺原韻 姜 曾

半阻飛鴻半阻雲光天透頂燭昏曛日纔出海紅先見雪  
不爭梅白幾分陸賈重來開混沌九齡一去著聲聞岩崖  
萬仞堆詩料經用鑪錘始覺尊

灘阻感懷 尙 鎔

乘風最好上金鼇南安有金鼇閣無那灘聲屢怒號水碓已□紅

大庾縣志 卷之二十三 藝文 詩 三十五

稻熟筒車還轉綠波高花留殘雪迎新歲鳥弄清音侑濁

醪只恐今宵庾城裏故人期我夢魂勞謂大庾李雨山秀才

喜見梅花 尙 鎔

我溯長江來寒花寂無色峯巒上凝紫灘石下喧碧今入  
大庾境梅花始迎客冰玉森枝頭皚皚鬪標格春風自東  
至殘雪不增白乃知天地心自救歲寒厄我欲寄家信瓊  
枝倦攀摘傳語天涯人倚樓休弄笛

過大庾嶺 尙 鎔

一嶺劃寒暖透迤九盤上險途亦夷途石磴堅且廣曲江  
昔開道過者泰山仰嶺頭題詠多敝帚千金享南門景一

新百里日開朗遠山峯盤龍近關石排象居然建瓴勢一  
嘯山盡響殘梅花萬簇素彩出榛莽身入香風中春心頓  
駘蕩開歲已三日竊恐花事往誰知南枝繁艷雪足欣賞  
好花隨時開霜露悉滋長我爲嶺南客今已詩魂爽如何  
唐宋人過此恨遐壤

哀忠詩六首

袁翼

南安府知府叔華葉公

名球安徽桐城人庚子進士

崑岡玉石一炬中民今方殆天夢夢懷仁抱義腰領紀名  
垂霄壤同始終玉皇香案仙吏才一麾五馬辭蓬萊巖闕  
搯吭大小庾運籌帷幄溪公來東西兩岸魚城峙中隔盈

大庾縣志

卷之二十三

藝文

詩

三十六

盈衣帶水紅巾千百裏獐頭前引長蛇後封豕金墉百雉  
齒齒齊火瓢飛焰燔繩梯賊徒佯退擾南野士皆釋甲無  
更輦忽聞鼓角地底鳴翻城賊騎馳縱橫太守徒步戰狹  
巷淋漓血肉埋深阬吁嗟乎西清視草公遭際橫浦捐軀  
公隕涕魂扶鵬背歸樅江手握犀旄掃妖彗

龍南縣知縣調署大庾縣知縣子將黃公

名榮庚福建長樂人

庚戌進士

賊竄新城蟻陣屯

賊從信豐間道至大庾新城一百二十里

健兒聯弩法無

存嶠山已朽梅銷骨橫浦誰招叔度魂一載繭絲稱眾毋

九原僚友話

君恩

南郡殉節諸臣尙未詳悉姓氏

崇關此日非天險今

古情形莫等論

南安府學教授迪堂周公

名誥饒州府人進士

坐擁皋皮作冷官晨昏苜蓿慣登盤齒牙曾嚼紅綾餅  
軀殼誰藏白石棺五緯文星光黯澹十年舊雨淚辛酸  
一家四口同時殉長媳史氏等魂返鄱陽月色寒

署南安營叅將題補甯都營叅將卓公

名爾歡滿洲某佐領下人

橫浦長橋蟻陣屯孱兵僅有半千存城危早誓捐軀首軍  
債終難報主恩靈几刀環聲震座戰袍襟角血留痕燕  
山歸去迢遙路定見雲中跨鶴魂

委署南安營守備勉亭盧公武庠生毅士盧公

名勉亭榮

# 大庾縣志

## 卷之二十三

藝文

詩

## 三十七

邦毅士名林瑞州府新昌縣人  
八年十一月守南安府城陣亡

金昆玉仲雙紫荆毀家紓難團鄉兵紅巾自閩竄南贛羽  
檄調守雙魚城城中得此兩鐵漢大厦欲倒思扶撐內濠  
鑿斷地中穴梯城那長雷車轟惜哉天不佑壯士淫雨十  
丈墉基傾登陴老幼盡啼哭兩君豪氣猶崢嶸長矛刺賊  
眾辟易賊謀縛虎招投誠常山嚼舌口噴血橫浦嗚咽流  
悲聲嬌女菊珠婢招英揮刀盡節冰霜清養子星照僕李  
榮相依患難同捐生一門忠義魂騎鯨手執象笏朝玉京  
輶軒慎勿忘其名

廩生蔡文煊武生魏紹魁殉節哀詞

郡城將陷時廩生蔡文煊武生魏紹魁兩家自燒  
房屋俟婦女已入烈焰然後男子從之計一百十  
餘口其外各紳士家婦女投塘溺井自盡者不計  
其數忠義節烈之氣上通於天矣江右自賊擾以  
來所陷城邑甚多未有闔城屠戮如南郡之慘者  
哀哉

天雨血鬼夜哭雄虺九頭訓狐四目白晝跳梁夜啼屋大  
禍將至妖孽興彼蒼示兆原哀矜胡爲目若無見耳若無  
聞四方上下盡羅網骨肉一炬飛灰塵誰爲司命東皇不  
知誰爲拯劫佛祖不慈哀哉弱翁子孫伯喈裔披髮銜刀

大庾縣志

卷之二十三

藝文

詩

三十八

訴上帝若敖鬼餒無窮期吸露餐風齧蘊蕙勸爾魂兮遊  
九冥義士結伴隨田橫海島迎接芙蓉城勸爾魂兮潛太  
陰鷲駟虬駟從屈平手竦長劍指彗星茫茫十二萬年內  
善惡果報難分明魂其錚錚兮無悲嘯於梅關之先塋

記凱二首

巡道

張岳齡

粵嶠章江共一天而今眞見掃烽烟酒酣笑指桃花馬老  
我馳驅十四年  
五嶺雄蟠控上游帶牛佩犢亦堪憂清平消受蒼生福作  
賊何曾到白頭

王文成公祠

郡守

楊豫成

虎穴擒王日龍谿講學風勲階三等貴俎豆四時同大道  
兼兵法良知亦聖功蚍蜉誰撼樹癡絕應聲蟲

南安郡署東園漫興

楊豫成

層樓登眺意悠哉荒址頽垣半草萊春水自添鳧鴈喜時  
花如爲蝶蜂開欲籌積貯資民食未復流亡愧吏才一事  
上心惆悵甚故山猿鶴望歸來

戲題南安郡署梳妝樓

楊豫成

竟被臨川誤梳妝尙有樓十姨同附會萬口說風流戶靜  
蠨蛸胷堂空蝙蝠遊頽垣圍廢井祇爲牡丹愁

勸戒詞十首

楊豫成

大庾縣志

卷之二十三

藝文

詩

三十九

勸我民宜孝弟孝弟非異事乃是天之經地之義天子必  
有父諸侯必有兄何況爾輩蚩蚩氓爾亦有子爾先不子  
爾子奚所視爾若爲兄爾弟不弟爾何以爲情烏反哺羊  
跪乳鴈行肅肅齊其羽披毛戴角各有取而况身爲萬物  
之靈本非禽獸伍何至抵觸犴悖甘爲梟獍與豺虎曷不  
奉爾盤匱吹爾墳箎天倫一堂樂怡怡和氣致祥允在茲  
勸我民須勤儉勤則知所先儉則知所斂一進一退交相  
檢鑿井耕田以補兩大之不足飯糗茹草以留百產之有  
餘刺蜉蝣而賦衣裳之楚楚曷若吟蟋蟀而式良士之瞿  
瞿一夫之靡靡雖眾人之省約亦或受其累矣終歲之孳

孳眈一日之晏安且並從而隳之豐爾食鮮爾衣而勿用其力也如水之流其將何所極也惰農懶婦游民所以爲斯民之賊也

勸我民好誦讀人生不讀書行屍而走肉况乎書中之理無或遺讀書之人無弗宜鉅而綱常倫紀細及日用之所資任人見仁見知識大識小開卷一一會悟之爾窮爾理爾自立爾體爾博爾文爾自擴爾聞志在聖賢豈惟科目之云云究之讀書原非科目所能畢科目要爲讀書所能必不見腰金衣紫爾鄉儘有鄉先達

勸我民完國課周官九賦備農桑洪範八政首食貨經費

大庾縣志

卷之二十三

藝文

詩

四十

所重無則那勿謂錙錙銖銖出爾民日用所餘累萬千以爲內府之捐輸勿謂升升斗斗奪爾民耕穫所有盈億秭以供太倉之紅朽試問匪其保爾何有於隄防城池匪其治爾衛爾何有於官師凡在修築廉俸糧餉之所資一一匪錢漕如何有度支爲官乎爲私乎思之思之應無不知之又况徵於爾者未嘗不於爾乎賚矣得於爾者未嘗不於爾乎貸矣麻祥之錫予災荒之蠲免賑濟榜於通衢者固煌煌具在矣嗟乎爾民日受胥吏之叫號笞杖之敲扑而何不白愛矣

戒我民勿械鬪械鬪閩廣由來舊爾民相染習亦狃爾豈



眞有不可解之深仇不得已之苦衷不過錢債細故口舌中鷄蟲得失馬牛風村族飲賽辯起蜂遂乃羊狼狼貪鴟張豨突各呼醜類爭雌雄手鋤柴斧爲軍鋒下策甚乃用火攻曾不思四海皆兄弟天涯若比隣矧在粉榆之社桑梓人朱陳許史遞姻親何不爲相調相救而爲拔刀推刃之狺狺吁嗟乎殺一命償一命殺人以眾償亦眾折肢髡髮亦流徒律有明條孰敢縱頂兇一節弊尤重以命博錢愚可痛身亡家破兩無用不惜大聲疾呼爲爾醒此不醒之惡夢

戒我民勿齋匪古人之齋志潔齊今人之齋肆奸宄設立

## 大庾縣志

### 卷之二十三

藝文

詩

### 四十一

青蓮白蓮天地諸名目譎譎出出幾如鬼黠者倡其先譎張爲幻在歛錢愚者墮其術匍匐皈依思求福亦有良懦迫於勢孤立無助動遭忌屈從苟爲自安計夜聚曉散情形叵測男女混雜奸淫盜賊一朝瘦狗亡猿滋跳梁聚族駢誅堪太息吁嗟乎歛錢而得匪名彼或有所利而爲之破錢而得匪名爾又何所樂而隨之蜂蠆自毒也梟獍自戮也遠者爾勿知尋鄔之梟斬絞遣抑亦前車之覆也胡勿遵夷易之軌則庶食德服疇以同鼓太平之腹也戒我民勿峻訟人生薄物細故偶相爭一言渙釋有妙用奈何不爲難之排而爲機之用辭盡無情使交控造有自

無以曲爲直輾轉引牽紛紜羅織輕則廢人事重則破人家謂雀有角鼠有牙鬼蜮伺影巧含沙獨不見天與水違行義取險而健易象昭垂觀其變士紳列衣冠非訟何至褫其鞶蚩氓樂妻孥非訟何至歸而逋我願爾民不入畫地牢不對刻木吏爾宅爾田安生計吁嗟乎爾民果自安生計治爾民者亦得鳴琴堂上相安於無事

戒我民勿賭博自來博本主樗蒲葉子之戲始明末製牌骨可切作寶銅可鑿擲散於盆么六喝甚者乃立花會標場名歧中有歧分鑄錯無晝無夜雜坐叫呼抽頭設局實繁有徒能破吝者慳能奪知者明盈千累萬較輸贏金穴

## 大庾縣志

### 卷之二十三

藝文

詩

### 四十二

倏毀銅山崩孤注一擲家可傾窮無復之氣忿爭殺人及盜由此生吁嗟乎博進而失侯富貴何爲此包羞博徒爲上客古今幾箇毛與薛况乎人果多材而多藝儘有書畫琴棋諸雅事何至况而愈下爲此牧豬奴之戲

勸我民勿鴉片鴉片來本自西洋流播後幾中國徧島夷詭計取人財禍伏隱微人不見或名思草或名阿芙蓉或謂和之罌粟能已河魚疾或謂製以砒霜能收健飯功或謂夷人掘取棺下土中有人膏人脂可作春藥媚房中土重如金珍什襲以水瀝土取其汁用火煎熬成膠漆淫朋暱友偶燕集息偃在牀通呼吸一燈相對促其膝曲而

不伸如蟲蟄左右互易役遞執久久不忘爲結習墨守膏  
盲兼廢疾面目黧黑身骨立氣喘聲嘶言語澀身死家破  
嗟何及君不見毒有鳩器有兵傷人之物孰敢攫何爲甘  
此如飴忘其生徒以鴉片之鬼成其名嗚呼豈獨鴉片之  
鬼名非名法所不宥且將加爾刑

戒我民勿盜賊物原各有主人貴食其力翳獨胡爲於此  
極小則爲穿窬探囊肘篋擾村墟大則爲搶劫以挺與刃  
肆剽掠局騙之流術愈工甘言厚貌巧伏戎白晝攘財都  
市中噫噉吁綠林稱豪客梁上有君子方其取人之物以  
爲己得意沾沾良自喜豈知得與失相連喜與憂相因爾

## 大庾縣志

### 卷之二十三

藝文

詩

### 四十三

雖深自匿相爾室者豈無天地與鬼神爾卽巧於飾發爾  
覆者豈無族黨與鄉隣一朝踪跡捉搦來老捕私刑官刑  
皆將叢爾身到此爾應悔不爲良民嗚呼爾果悔不爲良  
民國法未嘗不計人自新不見甘甯李勣古何人

#### 癸亥秋九移守吉州畱別南安士民四首

郡守

黃鳴珂

安平人

來守邊陲廿一旬尙無實惠及吾民章江秋水三篙淨庾  
嶺梅花十月春文教未宣殊抱歉

擬明年振興書院未果

澆風初革

漸還醕

賭博之風已息

匆匆此別情無限不異南城祖道辰

四邑流風各不同須知聲教本相通捐輸忍并催科急

捐項

除悉訟獄難拘執法公斷獄多但使閭閻百姓足何妨囹圄

一時空為民為國原無二蹇蹇非徒勵匪躬

敢云到處頌聲傳此地方期策萬全風鶴無驚烽火息澤

鴻漸復室家旋疎慵實領二千石此缺乃元會重逢八百

年明歲上倘得從容寬歲月管教四境樂陶然

一年兩度唱驪歌仲春卸建昌篆孟冬又有吉州之攝無計攀留可奈何酒

酌姑山情繾綣珠跳章水淚滂沱欣看梅嶺從風早大庾民風

最悵念蓉江梗化多南康多臨別贈言須記取同敢禮讓

迓天和

使粵南還過橫浦喜晤黃印山觀察鳴珂即席賦贈

# 大庾縣志

## 卷之二十三

藝文

詩

## 四十四

並示徐晴軒別駕福斨

江蘇丁日昌

八年舊雨無消息今日相逢髻各皤青草沿階知訟少君清

理訟源政亂山環郭比人多歸田我欲盟江水假手君猶

待斧柯君勞績最多相見艱難相別易幾時清夢共烟蘿

次丁雨生中丞日昌見贈原韻 黃鳴珂

八年猶是二千石一事無成兩髻皤庚申一別蘭誼如君

知己小薪勞似我苦人多談心燕飲難終日君行匆迫僅

翹首鶯遷最上柯開府建牙松柏凌霄稱直節攀援肯許

附絲蘿

再疊前韻書懷

黃鳴珂

升沈應自生前定莫嘆馮君髯易皤樂事何如爲善最好  
官不過得錢多立身未肯依門戶徒手胡由執斧柯守我  
清貧安我拙隨時補屋且牽蘿於南郡之當培補者勉力爲之而已

丁卯秋初使粵旋至南安印山觀察招飲牡丹亭時

熱不可耐座中客爲鼓平沙三疊快逾飲冰不覺

醉欲眠矣除夕忽憶此段因緣作此奉謝並柬徐

晴軒別駕

福斨

丁日昌

去年驅馬南安驛老友勾留醉復醒三疊平沙秋鴈杳西  
風吹夢牡丹亭

憩東山寺

部郎

黃

蔡

安平人

大庾縣志

卷之二十三

藝文

詩

四十五

空山寂歷草堂幽素瀨蒼烟眼底收野鳥自呼趁人影江  
聲不斷向東流栖遲恰比烏三匝今古終歸貉一邱暮暮  
休休平寵辱杖筇莫負遠公游

閒吟冷醉之樓

樓在郡署東園太守汪報閩建

黃  
蔡

千章夏木清迴闌江天曉四山青入樓皓月臨軒早無事  
此靜座雙栢啼林鳥有酒醉月明尋詩趁露好鐵鍤荷劉  
伶黃金鑄買島

吟風弄月臺

臺在郡署東園太守楊豫成修

黃  
蔡

高頂一臺平登臨雙目清似招明月座欲御曉風行久令  
申公去難教轅固生瓣香遙憶處長天空復情

十月二十七日度嶺成長歌一章書呈黃印山觀察

方濬頤 都轉

捨舟登陸三日間今朝飽看淩江山賓暘門外莽空濶洪  
崖青嶂紛瀾瀾珠璣樓巷榜仍舊亭亭幾樹霜楓殷老榕  
稚松滿巖壑萬綠嵌以荔子斑小春更比春景麗舟黃紫  
翠開心顏槐花塘邊路幽邃寄梅驛畔峰迴環曲曲徐向  
螺殼轉娟娟况有峨眉彎枝頭玉蝶正飛舞 關南北各開  
梅花一樹  
吟興勃發須臾間方思敲火品卓錫沙彌膜拜陳憂患荒

## 大庾縣志

### 卷之二十三

藝文

詩

### 四十六

祠僅餘四壁立卻走龍象奔豺獍 雲封寺曲江  
祠皆毀於賊 十八年前

我曾到七梅痛已成枯管相公風度且勿論大力能鑿橫  
浦關功德及民禮宜祀微公鳥道窮躋攀雨淋日炙塵網  
掛雲車風馬何時還雄州築郭費甚鉅此役不過數百鍰  
修舉廢墜有司責亟召匠作延輸般重拓軒窗整瓴甃再  
施華堊塗昏黷神兮妥侑降之福嶺南嶺北無恫瘼暗香  
補種一千本花時行旅都忘艱前賢盛蹟半蕪沒我方惆

悵紅橋灣 謂平  
山堂

己巳奉文應行入都引

見畱別南郡紳耆七律六首

黃鳴珂

于茲六載果何爲百廢雖興力已疲凡祠廟或重修或補

獨捐養老育嬰所費已不貲矣室啟留春懸客榻丙寅冬

三顛之信四邑紳士懇留春而止誌之年堂開養竹護孫枝書粲兒

乞名於余題曰養竹草民原赤子非難保我是青天不敢

欺慚愧馨香人共祝碧蓮書院有生祠戊辰冬紳民等送

碧蓮書院供奉

部文調取赴

神京臣有何功答

聖明捍患禦災殲豕突詰奸除暴息蝸爭抑知重罰嚴刑日難

愜祁寒暑雨情不改此心期報

大庾縣志

卷之二十三

藝文

詩

四十七

國惟勤惟慎本惟清

日月重光宇宙新那堪衰朽列朝紳服官業已過三考致

仕何須到七旬

丹陛有人安社稷白頭容我老松筠壓舟不用鬱林石滿載

圖書未是貧

轉瞬年華一紀周宦遊江右宦成何必再淹留平生讀史

懷疏廣盛世逃名陋許由三品官銜增貴顯百年歲月足

優游歸田已遂雄飛志貽穀還爲燕翼謀

傳聞兵燹靖平原客有自貴州來者聚族而居尙有村晚

景桑榆宜自愛故園松菊可猶存無多廉俸沾貧乏不少

詩書課子孫歸去敢誇堂書錦數椽茅屋卽衡門

到處咸稱吾太守我有同僚問余曰建昌樟樹百姓多呼印

山三郡亦名山建號同山雖小而名特著身多虛譽皆爲

累囊少餘貲那用慳春雨杏花章水泛秋風蓴菜故鄉還

本來面目應相識猶是書生鬢已斑

大庾縣志

卷之二十三

藝文

詩

四十八



祭賢良祠重修雲封寺

陳蔭昌

不祭曲江祠何因上翠微  
劇金新古寺架木上危磯  
松向頭顛掛雲從足下飛  
闢開吳越境百世仰遺徽

題繪子和杜公紈扇

萍踪聚合在崎城恬澹豐神心倍傾  
潭水千尋章水淺天教留住暢離情

庚午歲暮并贅小詩子和先生倚裝索繪匆匆點

風雨雲摩盪天氣半陰晴  
靄靄青山色濺濺流水聲  
眼前皆妙境身外是浮名  
散髮逍遙客修來定幾生  
昨夜披綿汗雨下今夜風寒着狐腋  
天公翻覆且無定世情冷暖奚足責

大庾縣志

卷之二十三

藝文

詩

四十九

題繪西湖圖箑

卅年宦海憶萼羹每聽鄉音客夢驚  
寫出西湖烟水色聊將歸思寄君行

子祥五內弟來庾就姻盤桓月餘臨別出箑索繪賦此誌感

遊郡廨東花園哭黃叔安童子祥二公子

甥舅青年赴玉樓盛衰轉眼倏三春  
可憐新造留春室留得春回不見人

鴿翎蝠糞滿空庭梅子巖巖柳色青  
憶昔渭陽酬唱日淒涼真似牡丹亭

庚午初冬養疴靜攝承右丞憲台雅命繪箑久置

案頭因強起搦管並綴小詩誌感

歷徧名山幾萬重  
自來塞上鬢蓬鬆  
拈毫寫山南屏翠  
何日西湖聽晚鐘

大庾縣志

卷之二十三

藝文

詩

五十